



Bájkkeavijssa NuorttaSálto

- Iv máhte dássju ietjamav ájádallat

Tæksta/Gávva:
Sander Andersen,
NRK Sami Radio
Járggálibme:
Divte Media AS/
Ingrid Kintel

Sujna le sierralágájs subtsas, Inge Olsen Ájláttes Divtasvuonan, guhti vargga guokta jage dássta ávddála, gå lij 25 jagák, oattjoj vuoññamslágav. Vilá rahtja varrásin sjaddat, valla huoman de lidjin ájádusa iesjsármima hárráj ma lidjin værámusá.

Sujna lij stuoves barggo, buorre báلكká, esski lij goadev oasstám, ja lij aj Divtasvuona álmugis luohhtádusáv oadtjum ja nav suohkanstivrraj válljidum tjavtjan 2007.

Duodden lidjin Ingen moadda luohhtádusdájma, politihkan ja aj ietjá láhkáj. Sujna lij stuor ráddnavehka ja iesj lij vissjalis. Ja hávsskes ja gisjugis æjgáda ja oarbena gudi suv doarjodin.

– Muv iellemin ittjij vargga mige vájllu, javllá iesj.

Skihppáj

De dáhpáduváj juoga mij suv iellelav járgestij vuolus-bajás. Ádájakmáno 5. bie- jve 2009 oattjoj Inge Olsen Ájláttes vuoññamslágav. Dát nuorra ja dájmalasj

álmáj hækkat ij lim desti nav dájmalasj gå ávddála. Inge vilá ságastit buvtij, valla rubmaha gáro bielle gálnaj.

Dálla de nahka tjáppagit gáro juolge nanna duolmastit, ja gáro giedav vehi lággñit. Valla dárbañ huoman viehkev bæjválasj dájmajda.

Lássis ájge

Inge le moatte láhkáj skihpudagáv vásádallam, ja dajna aj diehta gáktu le psyhkalasj varresvuodajn rahtjat. Sihtá iemeláhkáj barggat ja rádnaj siegen liehket degu ávddála, valla skihpudahka le suv vájvástallam vaj ij le máhttelis læhkám. Ja dakkir dilen li aj ájádusá bad- jánam ietjas hehkav oaneditjtat.

Inge lij juo usjudallam gáktu galgaj dav

dahkat vaj ietjas lagámusá ettjin galga suv gávnnat varran ja biledum. Dav de máhtij dahkat sijá ávdás. Plána lidjin gárvvása, valla sjielmá nanna moattoj.

Ájnna máhttelisvuohta

– Lássát lij gå iellem járgijdiñ dassta mij munji dábduduj buorre iellemin. Giehppis mielajn ávddáli guovlluj gæhttjiv, ja muv iellemin ittjij vargga juoga vájllu. Sjaddat vargga állu dájmagahtes lij sieldes lássát. Mujna lidjin alla mihto, ja gå dajt ittjiv jávsá de ájádusá iesjsármima birra bákttáluvvin, javllá Inge Olsen.

Hárjjánam lij usjudalátjit galgaj rijbbañ – agev. Máhttsat barggaj ja dájmajda lahke jage vuoññamslága maññela vas. Valla nav álkke gal ij lim. Iellelav oanedit lij ájnna máhttelisvuohta sunji.

– Iv mån dájna bierrgi. Ij la mujna energija jali máhttelisvuohta ietjam mihtojt jáksát, ja ij ga iehtjádij vuorddemusájt állit.

Gijtevasj

Rahtjam le, ja vilá lássis ájádusáj rahtjá. De dal mierredam le bloggigoahdet dáj ássij birra. Juohket ietjas ájádusájt ie-

htjádij, ja vuosedit oasev dassta mij le hálvva tabua moaddásiñda. Sjaddam le dálkkasa lágásj sunji.

– Mån lev átsádallam gáktu iellem málsu, valla dálla lev hárrjánam dajna viesot. Vierttiv gijttet fámiljav ja doarjjo fáladagáv dan ávdás, javllá 27-jagák gut ij jáhke sán gudik goassak dájmalasj vil sjaddá.

Átsádallamijt juohket

Inge le oahppam lássis ájádusáj barggat, ja diehtá viehke gávnnu. Sihtá juogadit ietjas átsádallamijt vaj iehtjádijda viehken máhtti boahdet, ja ulmutja lulun ságas- tahtjtát iesjsármima birra. Esski gå subtsastallagádij ietjas dile birra, de viehkev oattjoj. – Guhkes ájge ittjiv majdik aktasik giehto, valla gæhttaliv gávvidit ietjamav gievrran. Dát lij værámus majt máhttiv dahkat. Mañep ájge lev gal nahkam vierrat dajt, ja de ietjam lunna mierrediv: manen galgav aktu guoddet dájts átsádallamijt, gå ihkap viehken iehtjádijda soajtti sjaddat. Nav de aj ietjam lagámusá buorep láhkáj dádjadahtji man lássá dille mujna le læhkám, ij le gal agev vuoñña álkke læhkám.



– Lij sieldes lássát gå rumáj gálnaj. Ájádallagáhtiv gáktu buoremus láhkáj máhttiv ietjam iellelav oanedit, javllá Inge Olsen.

– Á bli nesten totalt invalid var et fryktelig fall. Og det hadde gått så langt at jeg tenkte allerede på praktiske måter å ende mine dager på, sier Inge Olsen.